



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Economy


Broj: 07-05-sl/2020  
Sarajevo, 17.02.2020. godine

**KANTON SARAJEVO**  
Svim hotelima i ugostiteljskim objektima  
na području Kantona Sarajevo  
- Na znanje i postupanje -

**Predmet: Obavještenje**

Obavještavaju se svi hoteli i ostali ugostiteljski objekti na području Kantona Sarajevo da su **obavezni postupati** u skladu sa Naredbom kriznog stožera Federalnog ministarstva zdravstva, broj: 01-33-0547/20 od 03.02.2020. godine i Saopštenjem Federalnog ministarstva okoliša i turizma, broj: SI/2020 od 06.02.2020. godine, koji su sastavni dio ovog akta, a u cilju daljnjeg praćenja situacije i poduzimanja mjera radi sprečavanja i ranog otkrivanja eventualnog slučaja bolesti izazvane korona virusom.

S poštovanjem,



Prilog:

- Naredba Kriznog stožera Federalnog ministarstva zdravstva
- Saopštenje Federalnog ministarstva okoliša i turizma

- Za objavu na web stranici Ministarstva privrede kantona Sarajevo
- Evidencija
- Arhiva



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1



Krizni stožer Federalnog ministarstva  
 zdravstva

04.02.2020

Org. jed.	Broj	Priloga

Krizni stožer Federalnog ministarstva zdravstva, u cilju daljnjeg praćenje situacije i poduzimanje mjera radi sprječavanja i ranog otkrivanja eventualnog slučaja bolesti izazvane novim koronavirusom, koja je Zaključkom Vlade Federacije BiH, V. broj 164/2020 od 31.01.2020. godine proglašena zaraznom bolešću čije je sprječavanje i suzbijanje od interesa za Federaciju BiH, na 2. sjednici održanoj 03.02.2020. godine, sukladno odredbi članka 6. stavak (5) Pravilnika o ustrojstvu i načinu rada Kriznog stožera Federalnog ministarstva ("Službene novine Federacije BiH", broj 10/12), donio je sljedeću

### NAREDBU

1. Nalaže se kantonalnim ministarstvima zdravstva imenovanje kriznih stožera kantonalnih ministarstava zdravstva sukladno odredbama članka 187. stavak (3) Zakona o zdravstvenoj zaštiti ("Službene novine Federacije BiH", br. 46/10 i 75/13), a u svezi s odredbama Pravilnika o ustrojstvu i načinu rada Kriznog stožera Federalnog ministarstva ("Službene novine Federacije BiH", broj 10/12). Rok: Odmah.
2. Nalaže se kantonalnim ministarstvima zdravstva da Federalnom ministarstvu zdravstva dostave rješenje o imenovanju kriznog stožera kantonalnog ministarstva zdravstva, te odrede kontakt osobu ispred kriznog stožera kantonalnog ministarstva zdravstva, sa adresom, brojem telefona i mob. telefona i naznačenjem e-malla, a koja će biti dostupna Kriznom stožeru Federalnog ministarstva zdravstva 24 sata. Rok: Odmah.
3. Nalaže se kantonalnim ministarstvima zdravstvima da žurno aktiviraju Krizni plan pripravnosti za postupanje nadležnih institucija u kantonu u cilju poduzimanje mjera zaštite pučanstva o zaraznih bolesti, a radi sprječavanja i ranog otkrivanja eventualnog slučaja bolesti izazvane novim koronavirusom. Navedeno podrazumjeva utvrđivanje plana prijevoza osobe za koju se pošumnja da boluje od novog koronavirusa od mjesta ulaska u Bosnu i Hercegovinu, koje je na području kantona, do najbliže bolničke zdravstvene ustanove koja ima odjel za zarazne bolesti, što uključuje i osiguranje sanitetskog vozila, zdravstvenog tima, zaštitne opreme, dezinfekcionih sredstava i dr. sukladno odredbama Zakona o zaštiti pučanstva od zaraznih bolesti ("Službene novine Federacije BiH", broj 29/05). Rok: Odmah.
4. Nalaže se kantonalnim ministarstvima zdravstva da osiguraju da zdravstvene ustanove s područja kantona postupaju sukladno Mjerama za zdravstvene ustanove koje je sačinio Zavod za javno zdravstvo Federacije BiH i koji su sastavni dio ove naredbe, te provode sve mjere za zaštitu pučanstva od zaraznih bolesti regulirane Zakonom o zaštiti pučanstva od zaraznih bolesti. Rok: Odmah.

5. Nalaže se kantonalnim ministarstvima zdravstva da predlože potencijalne lokacije na području kantona na kojima bi se, u slučaju potrebe, organizirao karanten sukladno odredbama Zakona o zaštiti pučanstva od zaraznih bolesti. Rok: 15 dana od dana prijema ove naredbe.
6. Nalaže se kliničkim centrima u Federaciji BiH da postupaju sukladno Mjerama za zdravstvene ustanove koje je sačinio Zavod za javno zdravstvo Federacije BiH i koji su sastavni dio ove naredbe, te provode sve mjere za zaštitu pučanstva od zaraznih bolesti regulirane Zakonom o zaštiti pučanstva od zaraznih bolesti. Rok: Odmah.
7. Testiranje humanog materijala uzetog s osobe za koju se posumnja da je inficirana novim koronavirusom obavlja Klinički centar Univerziteta u Sarajevu, koji po potrebi uključuje i Molekularnu laboratoriju Veterinarskog fakulteta Univerziteta u Sarajevu. Nalaže se Kliničkom centru Univerziteta u Sarajevu da kontinuirano bude u kontaktu sa Svjetskom zdravstvenom organizacijom-Ured u Sarajevu, radi slanja uzoraka na daljnje testiranje ili retestiranje u referalne laboratorije u Europi. Rok: kontinuirano.
8. Nalaže se zavodima za javno zdravstvo kantona da odrede odgovornu kontakt osobu sa adresom, brojem telefona i mob. telefona i naznačenjem e-maila, a koja će biti dostupna Kriznom stožeru Federalnog ministarstva zdravstva 24 sata. Rok: Odmah.
9. Putem Federalnog ministarstva okoliša i turizma, te nadležnih kantonalnih ministarstava za turizma i ugostiteljstvo, naložiti hotelima i ugostiteljskim objektima, da kontinuirano provode opće mjere za sprečavanje i suzbijanje zaraznih bolesti utvrđene člankom 10. Zakona o zaštiti pučanstva od zaraznih bolesti, to: osiguranje higijenski ispravne vode za piće, osiguranje zdravstvene ispravnosti životnih namirnica i sanitarno-tehničkih i higijenskih uvjeta za njihovu proizvodnju i promet; uklanjanje otpadnih voda i drugih otpadnih materija na način i pod uvjetima kojima se osigurava zaštita od zagađivanja voda i zemljišta, kao i održavanje glodara i insekata na biološki prihvatljivom minimumu; održavanje sanitarno-tehničkih i higijenskih uvjeta; vršenje obvezne (preventivne) dezinfekcije u: objektima za proizvodnju i promet namirnica i predmeta opće upotrebe, te sirovina za njihovu proizvodnju odnosno prijevoznim sredstvima namijenjenim za njihov prijevoz; objektima odnosno prostorima za uklanjanje otpadnih voda i drugih otpadnih materija, kao i prostorijama hotela i ugostiteljskih objekata. Rok: kontinuirano.
10. Ova naredba stupa na snagu danom donošenja.

Broj: 01-33-0547/20  
3. veljače 2020. godine  
Sarajevo

MINISTAR I PREDSTAVNIK  
KRIZNOG STOŽERA FMZ  
Doc. dr. Vjekoslav Mandić

Bosna i Hercegovina  
Federacija Bosne i Hercegovine  
FEDERALNO MINISTARSTVO  
OKOLIŠA I TURIZMA

Bosnia and Herzegovina  
Federation of Bosnia and Herzegovina  
FEDERAL MINISTRY OF  
ENVIRONMENT AND TOURISM

Broj:SI/2020  
Sarajevo, 06.02.2020. godine

Federalno ministarstvo okoliša i turizma na osnovu Naredbe Kriznog stožera Federalnog ministarstva zdravstva od 03.02. 2020. godine u cilju daljnjeg praćenja situacije i poduzimanje mjera radi sprečavanja i ranog otkrivanja eventualnog slučaja bolesti izazvane korona virusom, koja je Zaključkom Vlade Federacije BiH V.broj:164/2020 od 31.01.2020. godine proglašena zaraznom bolešću, izdaje sljedeće:

### SAOPŠTENJE

Nalaže se hotelima i ugostiteljskim objektima da kontinuirano provode opće mjere za sprečavanje i suzbijanje zaraznih bolesti utvrđene članom 10. Zakona o zaštiti stanovništva od zaraznih bolesti i to: osiguranje higijenski ispravne vode za piće, osiguranje zdravstvene ispravnosti životnih namirnica i sanitarno - tehničkih i higijenskih uslova za njihovu proizvodnju i promet; uklanjanje otpadnih voda i drugih otpadnih materija na način da pod uslovima kojima se osigurava zaštita od zagađenja voda i zemljišta, kao i održavanje glodara i insekata na biološki prihvatljivom minimum, održavanje sanitarno - tehničkih i higijenskih uslova, vršenje obavezne i preventivne dezinfekcije u objektima za proizvodnju i promet namirnica i predmeta opće upotrebe, te sirovina za njihovu proizvodnju odnosno prijevoznim sredstvima namijenjenim za njihov prijevoz, objektima odnosno prostorima za uklanjanje otpadnih voda i drugih otpadnih materija, kao i u prostorijama hotela i ugostiteljskim objektima.  
ROK: kontinuirano.

